

Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)” koje implementira PIU FBiH

Broj: 04-36-1-2053 - 2147/13
Sarajevo, 22.03.2024. godine

Na osnovu člana 70. stav (1) i (4) Zakona o javnim nabavkama („Službeni glasnik BiH“, broj: 39/14 i 59/22), a na Preporuku Komisije za javnu nabavku, imenovane Rješenjem broj: 04-36-1-2053-2134-1/13 od 05.12.2023. godine, Federalni ministar raseljenih osoba i izbjeglica **donosi**

**ODLUKU
O PONIŠTENJU POSTUPKA JAVNE NABAVKE**

I

Poništava se postupak javne nabavke za nabavku, ugradnju i montažu kućnih uređaja/bijele tehnike za potrebe opremanja 14 stanova u višestambenom objektu u općini Foča F BiH, u okviru Projekta CEB II „Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)“, Pod-projekat 092 FUR, jer je nastupila situacija iz člana 69. stav (3) Zakona o javnim nabavkama („Službeni glasnik BiH“, broj: 39/14 i 59/22).

II

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14 i 59/22).

Obrazloženje

Postupak javne nabavke-Nabavka, ugradnja i montaža kućnih uređaja/bijele tehnike za potrebe opremanja 14 stanova u višestambenom objektu u općini Foča F BiH, u okviru Projekta CEB II “Zatvaranje kolektivnih centara i alternativnih smještaja pružanjem javnih stambenih rješenja” - Pod-projekat 092 FUR, u okviru Projekta CEB II, koji implementira PIU FBiH, pokrenut je Odlukom o pokretanju postupka javne nabavke, broj: 04-36-1-2053-2134/13 od 05.12.2023. godine.

U postupku prethodne provjere i ispitivanja tržišta za potrebe Federalnog ministarstva raseljenih osoba i izbjeglica, a u vezi sa implementacijom Projekta CEB II „Zatvaranje kolektivnih centara i alternativnih smještaja pružanjem javnih stambenih rješenja“, putem e-maila, dana 20.11.2023. godine poslan je upit o cijenama za ugradnju i montažu kućnih uređaja/bijele tehnike (obrazac za cijenu ponude) na adresu potencijalnih ponuđača: Omega shop doo, Techno Shop doo, Gorenje BiH doo, Techno Mag doo i Domod doo. Svoj odgovor sa ponuđenom cijenom u predviđenom roku dostavio je Omega shop doo.

Procijenjena vrijednost javne nabavke je 26.444,44 KM bez PDV-a.

Javna nabavka je planirana u Planu javnih nabavki za 2023. godinu, za projekat CEB II-PIU FBiH, i evidentirana je u istom pod rednim brojem 24/23-CEB II, Pod-projekat 092 FUR, a koji je objavljen na web stranici Ugovornog organa (www.fmroi.gov.ba) u skladu sa članom 17. Zakona o javnim nabavkama („Službeni glasnik BiH“ broj:39/14 i 59/22). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH“, broj: 39/14 i 59/22). Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci broj: 668-1-1-52-3-71/23 je objavljeno na Portalu javnih nabavki (www.ejn.gov.ba) dana 06.12.2023. godine, Ispravak obavještenja o nabavci: 668-1-1-52-8-1/24 i 668-1-1-52-8-2/24 je objavljen na Portalu javnih nabavki (www.ejn.gov.ba) dana 08.01.2024. godine, Sažetak obavještenja o nabavci je objavljen u „Službenom glasniku BiH“ broj 83, str.54 od 08.12.2023. godine, Ispravke obavještenja su objavljene u „Službenom glasniku BiH“ broj 3, str.180 od 12.01.2024. godine.

Javno otvaranje ponuda izvršeno je dana 29.01.2024. godine u 10.30 sati. Otvaranje ponuda izvršila je Komisija za provođenje postupka javne nabavke, imenovana Rješenjem broj: 04-36-1-2053-2134-1/13 od 05.12.2023. godine. U Zapisniku sa otvaranja ponuda konstatovano je da su blagovremeno zaprimljene 2 (dvije) ponude i to od strane ponuđača: TEHNO-MAG doo Orašje i MIRA MAR doo Foča.

U procesu tehničke evaluacije, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je da sve dostavljene ponude ispunjavaju tehničke uslove date u tenderskoj dokumentaciji.

Na provedenoj e-aukciji tehnički zadovoljavajućih ponuda učestvovali su ponuđači TEHNO-MAG doo Orašje i MIRA MAR doo Foča.

Odlukom o izboru najpovoljnijeg ponuđača broj: 04-36-1-2053-2142/13 od 15.02.2024. godine, za najpovoljnijeg ponuđača izabran je ponuđač TEHNO-MAG doo Orašje. Izabrani ponuđač bio je dužan u roku od pet (5) dana, računajući od dana zaprimanja Obavještenja o rezultatima postupka javne nabavke, dostaviti originale ili ovjerene kopije dokumenata iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14 i 59/22).

Obzirom da izabrani ponuđač nije ispunio uslove za potpisivanje ugovora predviđene članom 72. stav 3. tačke a) i b) ZJN-a, jer je propustio dostaviti originale ili ovjerene kopije dokumentacije iz čl. 45. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi Ugovorni organ, te propustio dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu s propisima u Bosni i Hercegovini, Komisija je dala preporuku da se ugovor dodijeli ponuđaču čija je ponuda po rang-listi odmah nakon ponude najuspješnijeg ponuđača, ponuđaču MIRA MAR doo Foča.

Odlukom o izboru drugorangiranog ponuđača, broj: 04-36-1-2053-2144/13 od 08.03.2024. godine, ponuđač MIRA MAR doo Foča bio je dužan u roku od pet (5) dana, računajući od dana zaprimanja Obavještenja o rezultatima postupka javne nabavke, dostaviti originale ili ovjerene kopije dokumenata iz člana 45. stav (1) tačke a) do d) i člana 47. stav (1) tačke a) i c) Zakona o javnim nabavkama („Službeni glasnik BiH“, broj: 39/14 i 59/22).

Komisija je protekom roka od pet (5) dana, računajući od dana zaprimanja obavještenja o rezultatima postupka javne nabavke, konstatovala da izabrani ponuđač u ostavljenom roku nije dostavio tražene dokaze.

Imajući u vidu da su u konkretnom slučaju nastupile nepredviđene okolnosti, a da je Ugovorni organ iscrpio sve mogućnosti za zaključenje ugovora za javnu nabavku sa konačne rang liste ponuđača koji su učestvovali na e-aukciji, Komisija je predložila odgovornoj osobi Ugovornog organa donošenje Odluke o poništenju postupka javne nabavke, u skladu sa članom 69. stav (3) Zakona o javnim nabavkama („Službeni list BiH“ 39/14 i 59/22).

Iz navedenih razloga, a primjenom člana 69. stav (3) Zakona o javnim nabavkama („Službeni glasnik BiH“, broj: 39/14 i 59/22), odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

Nerin Dizdar

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke Projekta CEB II
- a/a